
CANTIC

An Tad MARTIN

Var Buez ha Maro an Tad MANER

Ton anavezet, pe ton : *Va c'halon a zo fraillet.*

DISCAN.

Allas ! allas ! Bretonet, maro an Tad Maner,
 Maro eo ho sclerijen, maro eo ho Tad ker ;
 Maro eo tost da Garahez, e presbital Plevin,
 Evel m'en doa lavaret, e creiz douar Caourintin.

DISCAN ALL.

Meulomp, meulomp, Bretonnet, meulomp an Tad Maner,
 Meulomp mignon Mam Doue, ha mignon hon Salver,
 Er vro-man gant carantez, en deuz cals labouret,
 Ganeomp-ni dre c'hras Doue he gorf a zo chomet.

Da iliz scolach Kemper, he galon zo casset,
 En iliz parrez Plevin he gorf zo interret ;
 En he iec'het en devoa aliez lavaret :
 Elec'h ma couez ar vezen e renk beza lezet.

Pa zeuje dre ar maro Jesus-Christ d'hen g'ervel,
 Gant ar bopl paour en devoa bet desiret mervel.
 « Ganto am euz tremenet, emezhâ, ma buez,
 « Ganto goude ar maro, chom a garen ivez. »

Tavit eta pobl a Vreiz, n'en em c'hlac'harit ket,
 Oc'h peden an Tad Maner en deuz Doue clevet ;
 En ho creiz ez eo chomet, evit ho soulaji,
 En ho corf hag oc'h ene, dre Jesus ha Mari.

Coumanset mad en deveuz an eil hag eg'ile,
 Aben nemeur e lennot scrivet en he vuez,
 Da bet den clanv en deveuz e pep canton guellet,
 Dreist ar rè all, e Plevin, d'ar re ia d'hen guellet.

Commisserien an Escop e c'hallo lavaret
Pet greg a boan vugale en deveuz dilivret ;
Da biou en deuz ar c'herzet, ar c'hleo, ar guel rentet,
Ar burzudou a rañ c'hoaz, hag ar re en deuz grêt.

G'inidic oa a Sant-Jorg, en Escopti Roazon,
Pedir leo diouz Foujerez, pedir diouz Pontorson,
Hog'en choazet gant Doue, an abostol fidel,
Evit diski hent an Env d'an oll e Breiz-izel.

Ne voe nemet trizec vloaz, o coumans he studi,
Pa lavaras Dom Michel Nobletz dre brophesi :
Maga r'er din eur peskig (A) en Escopti Roazon,
A zeui souden da vro Breiz da ober mission.

Pa rene ar bempet class ar scolach a G'emper,
E teuas Michel Nobletz da velet he vap ker,
Hag e comzas euz Andre hag eus he vreur Simon
Pa o galvas hon Salver da ober mission !

En distro a lavaras da Zouarnenezis,
Gant gras Doue c'hui velo c'hoaz mission e Breiz ;
Choazet am euz an hini, dre c'hourc'hemen Doue,
A dle ober mission er vro-man ma goude.

Ne lavaras ket dezhan neuze c'hoas Dom Michel,
Ez oa choazet gant Doue da ziski Breiz-Izel ;
Mes Doue a zisclerias dezhan he volonte,
Pa ze eun deiz d'ar chapel hanvet Ti-Mam-Doue.

Entre Croaz-ar-Gardien ha maner Kermorvan,
E roas eur sclerijen dezhan ar Speret Glan,
Dre behini a velas eus Breiz ar c'harteriou,
Da bere oa red dezhan mont da glask eneou.

Pa antreas er chapel ar Verc'hez an Itron,
En em offras oll dezhi a gorf hag a galon.
« Prest ha pront oun, emezhan, da sicour ma Salver,
« Da zistrei ar bec'herien zo coustet dezhan ker. »

(A) E Douarnenez e lavarar ar gomz-se, dirag pesketou-rien.

Ho pet coun, Guerc'hez santel, eus ho missioner,
En ho ti, d'ar mission n'em ro an Tad Maner,
En ho ti, eo coumanset, ganeoc'h e g'endalc'ho,
En ho ti, gant gras Doue, eun deiz e finisso.

Ebars ar g'er a Vourjez pa oa abandonet,
En eur c'hlenvet diremet gant ar vedicinet,
Deiz Nedelec, kent receo sacramant an Auter,
En em voestlas evelhen e presans he Salver :

« Jesus, Mari, sant Ervoan hag ælez Breiz-Izel,
« Mar rent Doue din iec'het, me iel bete mervel,
« Da ober ar mission e mesk ar Vretonet,
« Me her bromet a dra sur, gant eur galon parfet.

Doue a gomzas outhan en ur sacramanti,
Hag a lavaras dezhan pare viot hep si ;
Me a gontanto ivez desir bras ho calon,
Ha me ho casso da Vreiz da ober mission.

En amzer-se, eun nosvez, dre he gousk e sonje
E toug'e var e g'ein eur paisant a G'erne ;
Evel sant Françez Xavier e sonjas e toug'e
Eun Indian, kent monet e mission d'ar vro-se.

Couraich eta, Kerneviz, eun deiz d'ar Baradoz,
An Tad Maner o tougo evit biken repos ;
Ha calz a Roazon, Guened. Sant-Briec, Leon, Dol,
Hag a Dreg'er a viro ne daint ket da goll.

Me a gleo sant Caourintin, dija oc'h o kervel,
Tad Maner ha Tad Bernard, ho compagnun fidel.
« Deut var ma lerc'h, emezhan, m'ho crai pesketerien,
« A galz a bec'herezet ha calz a bec'herien. »

M'ho guel ho daou o nijal dreist ar mor pirillus,
Da besketa ez eont eneo da Jesus :
Bet int dija e Brihat, Sizun hag enez Groaz,
E Molenez hag Eussa, enez Tudi ha Baz.

Eun troad o deuz var ar mor, eun al var an douar,
A gamejou bras ez eont en noz evel al loar,
Hag en deiz evel an heol, ha dre ho sclerijen,
E chasseont eus a Vreiz ar goall denvalijen.

Eus an Tad Maner ez a ar brud e pep canton,
E pep lec'h hen goulenner da ober mission.
An eskibien hen goulen, personet, beleien,
Autronez, itronezet, tud ploue, bourc'hizien.

Piou a ouffe lavaret e pet lec'h ez eo bet,
Ha pet pec'her e pep lec'h en devez distroet :
Essoc'h eo cont' ar stered pa vez sclerra an nos,
Evit an dud en devez casset d'ar Barados.

C'hui her goar, o va Salver, c'hui oc'h eus sur contet.
Pet den dre he sermoniou en deuz saveteet,
Pet dre ar goffession a bec'herien mezet,
Pet dre ar procession a bec'herien dallet.

Lammet eo an ignorans dre he gatekismou,
Ar c'homzou lous ha lubric dre gan he ganticou ;
Gret en deuz ober bemdeiz d'ar Verc'hez oreson,
Desket en devez pidi Jesus-Christ a galon.

C'hui eo beleien santel, c'hui missionnerien,
Ar fourdilizen gaera eveus he gurunen ;
Da Zoue dre he zouder, dre he brudans parfet,
Dre he orezon santel en deuz ho counezet.

Dreizoc'h ar bopl hep niver en deus saveteet,
Hag a rai gant gras Doue ac'han da fin ar bed ;
Houma oa he joa vrassa pa edo er iec'het,
Hag an doussa levez en diveza clenvet.

N'hon eus ket collet hon Tad, n'en em c'hach'aromp ket,
Mar d'omp disparti a gorf, ne domp ket a speret ;
Lezet en deus kent mervel ganeomp oll he galon,
A rei deomp oll he unan he venediction.

Donet a ra d'hor souten pa zeomp d'ar c'hombat,
Goulen a ra evidomp grassou digant hon Tad ;
Diskennet eo aliez euz an Env da sicour
Ar bec'herien treladet gant an droug enebour.